

Biblioteche Civiche “B. Partenio” di Spilimbergo

ESTRAT DAL REGOLAMENT

(fat bon cu la deliberazion consiliâr n. 74 dai 24.09.2004)

Art.17

Servizi di prestit a cjase

Ducj i citadins a puedin otignâ in prestit a cjase il materiâl librari e documentari di proprietât de Biblioteche e chel che al ven dal prestit interbibliotecari.

Il servizi di prestit a cjase di libris e di documents de Biblioteche al è autorizât dopo de iscrizion al prestit.

Ai iscrits al prestit ur ven consegnade une tessare di presentâ ogni volte che a vuelin vê in prestit a cjase i libris o altri documents de biblioteche.

La tessare e je personâl, e vâl cence limits di temp. Il titolâr al à di tignîle cun cure e di comunicâ daurman ae biblioteche variazions dai siei dâts a pet di ce che al jere stât declarât tal moment de concession de tessare.

Pe concession de tessare individuâl, l'utent al à di mostrâ al personâl un document di recognossiment e di dâ la cuote di € 2,50 tant che rimbors pes spesis. Il personâl de biblioteche e à facoltât di concedi duplîcats de tessare pierdude se si paie la sume, tant che rimbors di spesis, di € 2,50 [...]

Si permet il prestit fintremai a 5 oparis par un temp massim di 30 dîs.

Si permet di sprolungjâ il il prestit par un altri temp di 30 dîs. Si pues sprolungjâ il prestit di un libri che a son passâts almancul 20 dîs dal prin prestit. Si pues sprolungjâl dome une volte.

I catalics des esposizioni che a son daûr a fâsi, cierts repertoris di actualitât e materiâl bibliografic particolâr individuât dal personâl in servizi, a puedin jessi dâts in prestit par un temp curt, di 10 dîs, cence che si puedi sprolungjâlu. Un utent al pues cjapâ in prestit dome un DVD par volte.

Lis videocassetis, i cd-rom, i DVD e altri materiâl multimedialâl al pues jessi dât in prestit par 10 (dîs) dîs, e no si pues sprolungjâ.

Il prestit di materiâl multimedialâl tant che zontis di monografiis, rivistis o altri al ven dât in prestit par chel temp istèrs dal materiâl che i si zontin.

Si permet il prestit ancje dai periodics gjavant l'ultin numar. Il prestit dai periodics al è dome di 10 dîs, e si pues sprolungjâlu par altri 10 [...]

Il numar des oparis dadis in prestit al podarà jessi tirât sù par resons comprovadis. Categoriis particolârs di utents tant che i insegnants e i educadôrs in gjenar, a puedin vê in prestit plui volums e par un temp plui lunc di concordâ volte par volte cul personâl in servizi.

A puedin jessi prenotadis lis oparis che tal moment de domande a sedin za in prestit.

Tal moment de restituzion de opare cjapade in prestit, al utent i ven dade une ricevude pe restituzion, che e à di jessi tignude par cure dal utent par 3 (trê) mês.

Art.18

Sanzions

L'utent che al torne cun ritart i libris e chei altri documents de biblioteche, al à di paiâ une sanzion di € ,010 (dîs centesims) par ogni dì di ritart.

Tal cont dal ritart no si contin i dîs che la biblioteche e je sierade.

Art.19

A dadis regolârs il personâl de biblioteche al viot de situazion dai prestits e al invide, cun letare, a tornâ in biblioteche la opare o lis oparis che il lôr temp di prestit al sedi passât. Dopo passâts dibant 15 dîs dal prin invît e ven mandade une letare racomandade li che si invide a tornâ la opare vude in prestit dentri dal tiermin tassatif di 15 dîs. Al utent, in plui de multe pal ritart te restituzion, i ven domandât ancje il rimbors forfetari di € 4,00par spesis di gjetion.

Se e reste la inadempience si procêt daûr de norme di leç gjavant dal prestit in forme temporarie o definitive l'utent inadempient e tignint la facoltât di scuedi in maniere coative ce che al è dovût.

In câs che si pierdi une opare in prestit l'interessât al è invidât a sostituî la opare cuntun altri exemplâr compagn o a meti sul cont de biblioteche une sume compagne al valôr dal libri, che al è determinât cence che si puedi fâ apelazion dal personâl in servizi.

La norme dal come parsoare e je aplicade ancje tai rivuarts di cui che al torne il libri vût in prestit ruvinât.

Art.21

Prestit interbibliotecari

La biblioteche e pues fâ un servizi di prestit interbibliotecari cu lis bibliotechis publichis talianis.

L'utent interessât al prestit interbibliotecari al pues domandâ fintremai a 5 libris ogni mês.

Ogni prestit interbibliotecari domandât ae nestre biblioteche al è gratis. I rimbors di spesis postâls e/o a tarife fissee pai prestits interbibliotecaris domandâts a bibliotechis che a àn regolât chest servizi a paient, a son a caric dal utent che ju domande.